

tra Rhezin & Pecajam auxilium præstitit, Rezine caso a Damasco vi expugnata 2. Reg. 15 & 17. III. *Salmanasser*, Hoseam regem stipendiarium reddidit, Samariam expugnavit & in Assyriam deportavit, finem regno Israelitico imposuit, Tyrionum item regem Elulæum infestavit. 2. Reg. 19. sequ. IV. *Sennacherib* expugnavit Azorum palæstinorum *Jes. 20, 1.* rem etiam habuit cum Medis rebellibus: Ezechia defectioem vindicavit, Judæum invasit, obsidionem Hierosolymorum (anno post mortem Romuli) cæsis una nocte 185000, reliquit & fugit, domum reversus, à filiis in æde Nisrochi deastri sui trucidatus. V. *Jes. 36. & 2. Reg. 18 & 19.*

§. XXI. *Apud (II) BABYLONIOS* tempore Romuli, post Virginum raptum, bellumque cum sabinis, nova Dynastia à *Nabonassare* excitata est, quæ alteram Assyriorum Dynastiam absorpsit. Magnæ hic difficultates in Historiâ Chronologica occurrunt. Nam, uti §. 19 & 20. diximus, unum fuit Assyriorum & Babyloniorum regnum; sed si regum successionem 2. dynastiæ, cum regibus 3. dynastiæ conferamus, juxta Ptolomæi canonem & scripturæ, deprehenditur ὁ ΦαλαμοΦανερώς in istâ collatione, reges aliquos 2. dynastiæ coætaeos fuisse regibus 3. dynastiæ, quod manifestam arguit absurditatem. Et sane, cum Ptolomæi Canon rejici non possit, eclipsium caractere munitus, relinquit *D. D. Wagner* (quem vid. pluribus l. 3. c. 4.) decisionem Chronologis; quamvis unâ innuat, aut in modo allegationis ad annos mundi errorem esse; aut hallucinationem ob nominum varietatem & confusionem, quibus monarchiæ hujus reges apud Historicos indigitantur, in personis committi, ut quidam reges sint iidem, qui aliàs pro diversis habentur; aut interregnum à *Sardanapalo* ad *Nabonassarem*, ann. 121. solidorum, statuendum esse &c. p. m. 211, 217, 18. Ingenii tenuitas non permittit, certam dubiorum solutionem proponere, aut alterius pro certâ & indubitata asserere. *Funccius, Mercator* & alii *Salmanassarem* cum *Nabonassare* eundem fuisse opinantur: *Scaliger l. 5. de Em. Tem. f. 314.* *Nabonassarem* vult esse *Merodachum*, patrem *Markedempadi* &c. At, neque Assyriæ rex *Nabonasser* fuit, nec Babylone *Salmanasser*, cum circa ea tempora *Baladan* & *Merodach* Babylone regnarint, *Jes. 39, 1.* Neque tempora *Nabonassaris*, caracteribus celestibus à *Ptolomæo* firmata, illi congruunt. V. *Behm Manud. Chronol. & Semuch. c. 19. q. 1.* Probabilis est *Dion.* conjectura, *Petaris* post